

CELEBRACION STATUS APARTE LO TA SEIS DI JANUARI

ORANJESTAD(AAN)—Durante conferencia di prensa ayera Sr. Betico Croes a divulga cu celebracion di Status Aparte lo ta dialuna dia seis di Januari.

El a laga sa cu diadomingo dia 5 di Januari 86 tabata e fecha prefera, pero pa motibo cu tin parlamentarionan hulandes cu pa motibo di religion lo no por presencia e manifestacionnan a pone e fecha pa seis di Januari.

Por spera un representacion substancial di reino, di Antillas Hulandes y a pidi via Kabna pa haya e cooperacion di embahada hulandes den e region aki aki pa e ceremonia aki y pa haya asistencia tecnico di afo pa duna indicacion. Algun hende di nos

protocolo cu lo bira e hendenan di protocolo den futuro lo core stage na ministerio di asuntunan di exterior, y embahada lo yuda pa invita dignatarioman den nos region pa e celebracion, el a laga sa.

Segun Sr. Betico Croes, na Hulanda el a papia cu Reina Beatrix y Prins Claus y cu e deseo ta pa haya un representacion di Cas Real pa e celebracionnan. Cu Prome Ministro Lubbers y su consejero general, Sr. Merklenbach, Minister de Koning y tur exponentenan di KABNA, cu henter e comision permanente di e dos camaranan, cu prof. Kapteyn, prof. Reetenberg, cu Barend Biesheuvel, presidente y griffier

di e dos camaranan, el a extende invitacion pa nan ta presente na e celebracion di Status Aparte.

E fecha tentativamente pa e celebracion ta keda pa seis di Januari 1986.

"Pa mi ta un gran satisfaccion pa constata cu Ministronan Hendrik Croes, Frank Rozendal,

y Lesley Navarro, diputado Nel Oduber y Bond di polis a yega na un acuerdo.", Sr. Betico Croes a laga sa ayera.

El a bisa cu el a ser critica na television door di varios exponente, pero no ta bay tras di e criticanan aki al momento.

"Loque mi kier bay

tras di dje ta e resultado pasobra awor cu un curazon mas tranquil nos ta bay pa ehecuacion di e Status Aparte y e ceremonianan na Januari, y cu nos por contra ariba un bon proteccion di cuerpo policial pa mantene orden y seguridad", el a laga sa.

BERDAD NUNCA A PERJUDICA NINGUN HENDE
NINGUN CAUSA NI NINGUN NACION



DIARION

DI ARUBA

Bo Matutino
Netamente Arubiano

DIARANZON 3 JULI 1985 AÑA 4, No. 1359

Betico Croes:

TA SOLAMENTE CU RESPALDO DI MEP UN MOCION POR PASA DEN STATEN

Mocion aproba tabata di MEP y no di AVP

Mito Croes:


MOCION ANUNCIA Y PREPARA PA AVP A KEDA APROBA DEN STATEN

INVESTIGACION ENTORNO DI USO DI GAS COMO COMBUSTIBLE PA AUTO

Betico Croes:

MEP TA PERDE MAYORIA ABSOLUTO

BANDERA DI ARUBA PA PRESIDENTE DI BRAZIL



ORANJESTAD(AAN)—Sr. Clyde Lacle, miembro di Parlamento Antillano pa Aruba a forma parti di e delegacion cu a bishita Brazil den cuadro di e contacto Parlatino. E presidente di Brazil, Dr. Jose Sarney, a ofrece un recepcion na su palacio na Brazilia, capital di Brazil y na e ocasion aki Sr. Clyde Lacle a haci entrega di e bandera di Aruba

na e presidente di e republica.

Den presencia di senadornan, e presidente a expresa palabranan di elogio pa e gesto y tambe palabranan di gratitud y aprecio na e pueblo Arubano.

Sr. H. REvis, di e embahada Hulandes na Brazilia, tambe a ricibi un bandera di Aruba durante un encuentro na su resi-

dencia y su reaccion tabata "cu gran honor mi ta ricibi boso bandera cu lo haya un lugar mereci na nos embahada aki na Brazil". Contactonan a ser haci encuanto miembrecia di Aruba den Parlatino. E informacion obteni ta bisa cu despues di 1986 parlamento di Aruba por haci un petition pa mira miembro di Parlatino.